



Waraka wa Sala wa Mwezi Februari 2026

NIA ZA SALA ZA BABA MTAKATIFU

Kila mwezi, Baba Mtakatifu huukabidhi Mtandao wake wa Sala Ulimwenguni nia za sala. Nia hizi hutuelekeza kujiunga naye katika kujali utu na utume wa kanisa. Nia hizi ni wito kwa ulimwengu wote kuziweka sala zetu katika matendo mahsusi; ni dira ya utume wa huruma kwa ulimwengu.

Nia ya Sala ya Papa, Februari 2026:

Kwa ajili ya watoto wenye maradhi yasiyotibika: Tusali ili watoto walio na magonjwa yasiyotibika na familia zao, wapate huduma muhimu za kitabibu, bila kupoteza nguvu na matumaini. Soma zaidi: <https://www.popesprayer.va/pray>

SALA YA MWEZI FEBRUARI 2025

Kwa jina la Baba, na la Mwana, na la Roho Mtakatifu. Amina.

Bwana Yesu,
ambaye uliwakaribisha watoto wadogo mikononi mwako
na kuwabariki kwa huruma,
leo tunawakabidhi watoto wanaoishi na magonjwa yasiyotibika.

Miili yao dhaifu ni ishara ya uwepo wako,
na tabasamu lao, hata katika maumivu, ni ushuhuda wa Ufalme wako.
Tunakuomba, Bwana, kwamba wasikose matibabu ya kutosha,
huduma ya kibinadamu na ya karibu,
na kuungwa mkono na jumuiya inayowasindikiza kwa upendo.

Zisaidie familia zao kwa matumaini,
katikati ya uchovu na kutokuwa na uhakika,
na uwafanye kuwa mashuhuda wa imani inayotiwa nguvu katika majaribu.
Ibariki mikono ya madaktari, wauguzi, na wafanyakazi katika sekta ya afya,
ili kazi yao daima iwe onesho la huruma tendaji.
Roho wako awaangazie katika kila uamuzi mgumu,
na uwape subira na upole wa kutumikia kwa heshima.

Bwana, utufundishe kutambua uso wako katika kila mtoto anayeteseka.
Udhaifu wao uamshe huruma ndani yetu,
na kutuongoza kutunza, kuandamana na kupenda
kwa ishara thabiti za mshikamano.

Utufanye kuwa Kanisa ambalo,
linahuishwa na hisia za Moyo wako,
na kusukumwa na sala na huduma,



inayoweza kusaidia walio hatarini,
na, katikati ya maumivu, kiwe chanzo cha faraja,
mbegu ya matumaini, na kiashiria cha maisha mapya.
Amina.

SALA YA MAJITOLEO YA KILA SIKU

Ee Baba mwema, natambua uko hapa pamoja nami.
Nakuja mbele yako katika siku hii mpya.
Weka moyo wangu kwa mara nyingine tena
karibu na Moyo wa Mwanao Yesu,
anayejitoa kwa ajili yangu na anayekuja kwangu katika Ekaristi.
Roho wako Mtakatifu anifanye kuwa rafiki na mtume wake,
aliye tayari kwa utume wake wa huruma ulimwenguni.

Ninaweka mikononi mwako furaha na matumaini yangu,
kazi zangu na maumivu yangu, mimi mzima na kila kitu nilichonacho,
kwa kushirikiana na kaka na dada zangu
wa Mtandao huu wa Sala Ulimwenguni.

Pamoja na Mama Maria, ninakutolea siku yangu
kwa ajili ya utume wa Kanisa
na kwa nia ya Sala ya Baba Mtakatifu [na Askofu wangu] kwa mwezi huu.
Amina.

Kuishi kwa huruma yenye tendo.

Ugonjwa wa mtoto hutugusa kwa ndani. Lakini sala inapoungana na vitendo halisi
hutufanya kuwa vyombo vya faraja na matumaini.

Upendo na imani haviondoi maumivu,
lakini huyabadilisha kuwa njia ya ukombozi na mshikamano.

(Cf. Hatua ya 2, *Njia ya Moyo* - Kukaribisha na kulea walio wanyonge).

